

Na osnovu člana 29. Zakona o lokalnoj samoupravi – Prečišćeni tekst („Službene novine Kantona Sarajevo“, broj 22/00) i člana 25. Statuta Općine Stari Grad Sarajevo – Prečišćeni tekst («Službene novine Kantona Sarajevo», broj 31/08), Općinsko vijeće Stari Grad Sarajevo, na sjednici održanoj \_\_\_\_\_ decembra 2009. godine, donijelo je

**(Prijedlog)**

**ODLUKA**  
**O IZMJENAMA I DOPUNAMA ODLUKE**  
**O OKVIRNIM KRITERIJIMA ZA UPOTREBU SREDSTAVA TEKUĆIH**  
**GRANTOVA NEVLADINIH I NEPROFITNIM ORGANIZACIJAMA**  
**IZ BUDŽETA OPĆINE STARI GRAD SARAJEVO**

Član 1.

U Odluci o okvirnim kriterijima za upotrebu sredstava tekućih grantova nevladinih i neprofitnim organizacijama iz Budžeta Općine Stari Grad Sarajevo («Službene novine Kantona Sarajevo», broj 4/06 u daljem tekstu Odluka, u članu 3. umjesto dosadašnjeg stava 1., koji se briše dodaje se dva nova stava 1.i 2., koji glase:

«Ocjenjivanje i izbor projekata iz člana 2. stav 2. tačka 5. Odluke vršit će Komisija za fizičku kulturu i sport.

Ocjenjivanje i izbor ostalih projekata iz člana 2. Odluke vršit će Komisija za finansije i Budžet i saradnji sa stalnim komisijama Općinskog vijeća nadležnim za pojedine oblasti».

Dosadašnji stavovi 2.3. i 4. člana 3. Odluke, postaju stavovi 3., 4. i 5.

Član 2.

Odluka o izmjenama i dopunama Odluke o okvirnim kriterijima za upotrebu sredstava tekućih grantova nevladinih i neprofitnim organizacijama iz Budžeta Općine Stari Grad Sarajevo stupa na snagu danom objavljivanja u «Službenim novinama Kantona Sarajevo».

Broj : 02-49-  
Decembar 2009. godine  
Sarajevo

Predsjedavajući  
Općinskog vijeća Stari Grad Sarajevo

Prof.dr.Rizah Avdić

## *O b r a z l o ž e n j e*

Pravni osnov za donošenje Odluke sadržan je u propisima navedenim u prambuli Prijedloga.

Komisija za fizičku kulturu i sport je zauzela jedinstven stav da Općinskom vijeću predloži izmjenu člana 3. „Odluke o okvirnim kriterijima za upotrebu sredstava tekućih grantova nevladinim i neprofitnim organizacijama iz Budžeta Općine Stari Grad Sarajevo“, u kojem stoji: „Ocjenjivanje i izbor projekata vršit će Komisija za finansije i Budžet u saradnji sa Komisijom za fizičku kulturu i sport“.

Komisija jednoglasno stoji na stanovištu da treba imati potpunu ingerenciju prilikom odabira i konačnog prijedloga raspodjele budžetskih sredstava, iz razloga što sprovodi cjelokupnu proceduru pregledanja zaprimljenih aplikacija, eliminacije nepotpunih projekata, pravdanja prethodno dodijeljenih finansijskih sredstava, vrši vrednovanje projekata, kontaktira sa klubovima i obilazi iste sagledavajući uslove rada i masovnost u okupljanju djece. Obzirom da Komisija podnosi veliki teret prilikom izbora i eliminacije pojedinih projekata koji ne zadovoljavaju kriterije iz Javnog poziva, smatramo da cjelokupna procedura dugo traje iz razloga „revizije“ rada ove Komisije od strane Komisije za finansije i Budžet.

Stoga, predlažemo da dodjela finansijskih sredstava bude samo u ingerenciji Komisije za fizičku kulturu i sport.

Stručna obrada :  
Stručna Služba  
Općinskog vijeća

Predlagač:  
Komisija za fizičku kulturu i sport  
Predsjednik komisije  
Muzurović Suad,s.r.